



Raan eo Ejejjet Kütien: Tijemba 3, 2020

Melele in Kajinet an Kilaaj – Jikin Kamōnōnō ko Iloan Em

Maroñ eo: Wōtar jen Ra in Lolorjak Nōmba 20-66, ORS 433.441, ORS 433.443, ORS 431A.010

Jerbal ñan: Melele in kajinet in ej jermal ñan jikin kamōnōnō ko illoan em.

Kememej: Ejab melim an hookah baar im jikin ko an rūtto kōmadmōd jekdon joñan uwōta eo emōj kalikar an county eo im jikin eo ej bed ie.

Kabin: Ñan joñan an melele in kajinet in aikuj ad loor kin jejjetin kakien ko, enaj mennin kabin einwōt kōjejjet ilo Wōtar jen Ra in Lolorjak Nōmba 20-66, ioon 10.

Kōmelele ko: Ñan wūnin melele in kajinet in, kōmelele eo laajrak ej jermal:

- Melelein “jikin kamōnōnō ko illoan em” ej jikin kamōnōnō ko illoan em ekoba bōtab ejab bōjrak kin imōn alwōj mennin mour in lojet illoan em, imōn alwōj bija ko illoan em, jikin alwōj ikkure illoan em, jikin kōjañjañ ko illoan em, jikin kalbwin wut illoan em, museum ko illoan em, jikin makūtkūt ko illoan em, im jabdewōt jikin illoan em im makūtkūt in kamōnōnō eo ej kōmman im ebellok ñan an armij iwōj.
- Melelein “inabōj” ej jabdewōt jikin ebellok ñan mejatoto ekoba jabdewōt jikin eo emaroñ wōr jidik raan (einwōt kein kalbubu ko ioon em) me ej bed wōt indeeo ak ien kadu wōt im jab diklok jen jiljilimjuonñoul lalem bōjjāān in jukwea ne ilo tōrerein ebellok ñan an mejatoto diwōj-deloñ.

Kōmadmōd ko

Rikōmadmōd ro an jikin kamōnōnō ko illoan em rej aikuj in:

- Loor aoleb ien kilōk ko an jikin kamōnōnō ko illoan em ñan joñan uwōta eo emōj kalikar an county eo.
- Etale im kōjejjet kütien [Melele in Kajinet Ibelakin State eo kin Kein Kalbubu Iturin Māj an Jikin Taktō, Kein Kalbubu im Kein Bōbrae Bulajtik Iturin Māj.](#)
- Kōmman mennin aikuj ñan an aoleb armij ro rej jermal, jibañ, ak lowaj juon jikin kamōnōnō eo illoan em bwe ren loor [Melele in Kajinet eo Ibelakin State eo Ikijen Kein Kalbubu Iturin Māj an Jikin Taktō, Kein Kalbubu im Kein Bōbrae Būlajtik Iturin Māj.](#)
- Kajutak [kōjellā ak bija ko realikar](#) kin kakien ko ikijen kein kalbubu māj an jikin taktō, kein bōbrae būlajtik iturin māj, ak kein kalbubu iturin māj.
- Lolorjak jabdewōt jikin inabōj im emōj kōmmane ak kōjerbal ñan jermal ak kōmadmōd ej loor melele eo “inabōj”. **Elañe jikin eo ioon melele in inabōj, innem jibañ ak**

kōmadmōd ko renaj watōke iloan em innem ej aikuj loor mennin aikuj im melele in kajinet ko an kōmadmōd iloan em.

- Loor [Melele in Kajinet eo an Imōn Mōñā im Idaak](#) ñan [joñan uwōta eo emōj kalikar an county eo](#), elañe ej lelok bwe armij ro ren mōñā im idaak ilo jikin eo.
 - Ilo county ko ekanuij in lab uwōta aolep jikin mōñā im idaak ilo jikin eo, ekoba ak ejab bōjrak kin koot in mōñā im jikin jijet renaj aikuj in kiil.
 - Loor [Melele in Kajinet eo an Jikin Kōmadmōd ko Riwia ro Rej Make Kōmmane Aikuj ko Aer](#), ñe ekkar.
- Lolorjake an aoleben ijoko rebojak in kōmadmōd im aoleb kein jermal ko rej emman wōt, ekkar ñan jabdewōt bok in kōmelele wewein kejbarok, kōjermal, im wewein joñan kōmadmōd ko rekkā im rekkar.
- Etale im kōjejjēt kūtien [Melele in Kajinet ñan Jikin Jermal im Doulul ko](#).
- Kajutak [kōjellā ko realikar](#) rej kōlaajrak kakōllein COVID-19, im rej kajitōkin an rijermal ro, rijibañ ro im rilotok ro me elōñ kakōlle ko ibbeir bwe ren bed wōt mōko imweir, im wōn eo ren kebaak ñe reaikuj bōk jibañ.
- Lolorjak an jimwe kōmadmōd in kein jermal in mejatoto deloñ-diwōj eo iloan mweo. Kōlablok an mejatoto eo deloñ-diwōj ñan joñan am maroñ ilo am kōbellok wūntō im kejem ko. Ilo jikin ko iloan em, deel ko ren jermal wōt ilo ien wūntō im kejem ko rej bellok ñan an maroñ diwōj-deloñ mejatoto jen inabōj. Jab kōbellok wūntō im kejem ko elañe am kōmman eindein enaj lelok kauwōtata ñan rijermal, ajiri, ak riwia ro.
- Ñe ekkar, kōjerbale kein kabok metal kōjañjañ ak alal ko ñan am jab aikuj jibwe armij eo kin beim.

Ñe kwōj kōmadmōd imōn alwōj bija ko iloan em, jikin kamōnōnō ko iloan em rej aikuj in:

- Emo kōmadmōd ak wiakake mōñā im dān ko iloan imōn alwōj bija ko.
- Kamo mōñā im idaak iloan mōko, jikin alwōj bija ko kajojo.

Rikōmadmōd ro an jikin kamōnōnō ko iloan em ren, bōtab rejab aikuj in:

- Kōjerbale mennin ekelel kin wewein kōllā ilo aer jab jibwe kin beir, im scan tūkōt ko ilo am jab uññūri armij ro renaj jedetok.
- Ñan ikkure ko rej kōmman ilo em, lōmnake am lelok bwe armij ren maroñ alwōj jen kein jermal kabel ko ñan kadiklok wōran armij rej kakobaba.
- Ñan ikkure ko rej kōmman iloan em im ekoba al im kein kōjañjañ, lōmnake am kōmakūt ikkure eo ñan inabōj.
- Ñan ikkure ko iloan em im ekoba kein kōjañjañ brass im wind, lōmnake am kōmakūt ikkure eo ñan inabōj im lōmnake am kalbubu kein kōjañjañ ko ñan kabōjrak an ajeeded pillil ko rej diwōjlok jen armij ilo ien aer kōjermal kein kōjañjañ eo.
- Ñan ikkure ko rej kōmman, kōjermal amplifier ro im kein roñjak ko jet ñan kadiklok aer aikuj elamōjmōj ak kōlablok ainikien rikkure ro.
- Rōjañ aer karōk ien ko aer maanlok ak rōjañ an armij kūrlok mokta ñan kamool joñan ijōne ñan wōran armij. Lōmnake juon kein jermal in talebon ak online ej kōtlok an armij

kōttar iloan wa ko waer im deloñe mweo wōt ñe kwōnaj kall ak jilkinlok text majej ej kwalok ke ebojak jikier.

- Jitōñe juon rikaruwainene ñan bōk eddoin an riwia deloñ im lale aer kōttolok doon ilo ien aer kōttar ilo lain, wōtar, im ilo ien aer deloñ im diwōj. Jab bineje ial ko ñan jikin diwōj ñe elōñ kijeek.
- Likūti rijerbal ro ñan lale aer loor kakien ko ikijen kōttolok doon.
- Jitōñe rijerbal ñan lale an rijedetok deloñe ijoko ekkā an armij bed ie einwōt imōn kōbojak ko bwe rilotok ro ren jab kakobaba ibben doon.
- Kadiklok joñan wōran rijerbal ro rej lelok jibañ ak leto-letak ibben doulul ko kajojo.
- Kōmelim makūtkūt ko ekkar ñan makūtkūt in kōmadmōd ilo ien idiñ, ekoba lelok katak ñan rijerbal ro an ien idiñ, jekdon ilo juon county eo, ekkar ñan joñan uwōta eo emōj kalikar, makūtkūt eo eban melim. Elañe rej kōmmuni makūtkūt eindein, mennin aikuj im melele in kajinet ko an OHA renaj jermal wōt.

Joñan Kōttolok im Wōran Armij

Rikōmadmōd ro an jikin kamōnōnō ko iloan em rej aikuj in:

- Kōmman joñan wōran armij eo elabtata ilo jikin eo ekkar ñan [joñan uwōta eo emōj kalikar an county eo](#) ilo jikin kamōnōnō eo iloan em ej bed ie.
- Loor joñan pade ko ñan [joñan uwōta eo emōj kalikar an county eo](#) ilo jikin eo jikin kamōnōnō eo ej bed ie einwōt aikuj ilo kakobaba in armij ilo [Melele in Kajinet eo an Kilaaj ñan Kakobaba in Armij](#).
- Lolorjak an armij ettolok jen enbwinnin doon ejab diklok jen jiljino (6) ne ikōtaan armij ro jen doulul ko rektak. Kalikar ke ro uwaan juon wōt doulul remaroñ bōk kwōnaer ilo makūtkūt ko ibben doon, jutak ilo lain ibben doon, im men ko jet, im rejab aikuj in kōttolok jiljino (6) ne jen doon.
- Ilik jea ko im/ak jikin ikkure ñan loore aoleb kakien ko ikijen kōttolok enbwinnin doon.
- Jab kakobaik doulul ko ak kōmelim aer kōjerbal ejja jikin jijet ko ibben armij ro rejab uwaan ejja doulul eo aer. Armij ro rej uwaan juon wōt doulul im rej jijet iturin juon wōt tebōl rejab aikuj bed jiljino (6) ne ettolok jen doon.
- Kōmakūti ak kamo jikin jijet/tebōl/lain im men ko jet ñan jibañlok aikuj eo bwe en wōr ejab diklok jen jiljino (6) ne ikōtaan armij ro rejab bed ilo juon wōt pade.
- Kamo an armij ro ilo pade ko rektak kakobaba ibben doon ilo jabdewōt jikin, iloan mweo im inabōj jimor, koba jikin baak wa ko.
- Kamo kōmadmōdin im aer maroñ kōjerbal aoleben jikin ikkure ko kin ball/pit/playground ko.
- Kamo ikkure elab kebaak doon ekkar ñan [Melele in Kajinet an Jikin Ikkure im Kaboñboñ Iloan Em](#).
- [Kōjerbal kōjellā ak bija ko realikar](#) ñan rōjañ an armij kōttolok doon.
- **Jab kōmadmōd**, ñe kwōban lolorjak an wōr ejab diklok jen jiljino (6) ne ettolok jen doon einwōt aikuj ilo melele in kajinet in, ijellokun ñan aer emakūtkūt ibben doon ien ekadu ak elañe rejab maroñ loor aoleben aikuj ko jet ilo melele in kajinet in. Aikuj eo

ñan ikkiil ej ekkar ñan kōmadmōd ko iloan em im inabōj jimor ñan jikin ko ewōr im rej kōmadmōd iloan em im inabōj jimor.

Rikōmadmōd ro an jikin kamōnōnō ko iloan em ren, bōtab rejab aikuj in:

- Lōmnake aer likūti kein bōbrae būlajtiik ak kilaj imaan counter ko kin karuwanene im tūkōt, ak ijoko jet im ebinlok loloorjake an wōr jiljino (6) ne ikōtaan rijerbal ro im riwia ro. Kein kalbubu iturin māj ko rej mennin aikuj wōt ilo jekjek kein.
- Kōmman bwe en oktak ien an armij deloñ im diwōj ñan armij ro rej jedetok ñan kadiklok aer kakobaba ilo jikin deloñ, jikin diwōj im imōn kōbojak ko ñan loore kakien ko ikijen kōttolok doon. Men in ekoba kōmman oktak ien alwōj bija ñan jejetin ien ko im kadiklok wōran tūkōt in wia ñan kajojo bija.
- Rōjañ bwe en wōr juon wōt wewein deloñ im diwōj kin kakōlle ko, bōtab jab bineje jikin diwōj ko ñe ebaj wōr kijeek. Kōjerbal kōjjelā ak bija ko ñan kwalok ial in ito-tak juon-wōt-ial.

Karreo im Jolok Kij:

Rikōmadmōd ro an jikin kamōnōnō ko iloan em rej aikuj in:

- Lelok katak ñan aoleb rijerbal kin wewein aer karreo madmōd ko (lale ilal) im wewein karreo im kejbarok im ikut aer kwal beir kin joob im dān iomwin ejab diklok jen 20 jekōn.
- Jitōñe armij eo/ro rej kakut aer karreo im manman kij ilo jikin jermal ko, jikin ko elab ito-itak, jikin ko elab jibwi ilo jikin ko an riwia im rijerbal jimor ilo jikin kamōnōnō ko iloan em. Kōjerbal kein manman kij ko emōj likūt ilo [laajirakin etan kein karreo ko emōj an Obij in Kejbarok Mejatoto \(EPA\) kōwebben](#) ñan SARS-CoV-2 kij eo ej kōmman nañinmij in COVID-19.
- Kanuij in karreo imōn kōbojak ejab diklok jen ruo alen ilo juon raan im, ñan joñan eo emaroñ, loloorjak ebwe an wōr kein karreo (joob, toilet beba, kein manman kij in bā) ilo aoleben kajojo raan. Imōn kōbojak ko reban karreoiki ruo alen ilo juon raan ren kilōk wōt ak ren kajutak juon kōjjelā me ej kwalok ke rejab maroñ karreoiki imōn kōbojak eo ruo alen ilo juon raan.
- Rijerbal ro rej aikuj karreo im manman kij ilo AOLEPEN keem ko, bool ko, kein jermal ko elōñ armij rej kōjerbali, im jabdewōt kein ikkure ak kein jermal ekut jibwi ikōtaan an armij kōjerbali.
- Jen ien ñan ien, en ukoktak, karreo im jolok kij jen nien ki/talebon ko im bar jikin ko jej jibwi ilo kein kile metal ko, ñe ekkar.
- Kwon niknik in karreo radio ko im kein kenaan ko, im jab kōmelim an rijerbal ro kōjerbal ejja radio im kein kenaan ko.
- Manman kij im karreo aoleb kein roñjak ko, ekoba microphone ko, kōtaan ien an armij kōjerbali im kamo an rikkure ro jimor kōjerbal microphone ko, kein kōjañjañ ko, im kein jermal ko jet.

Rikōmadmōd ro an jikin kamōnōnō ko iloan em ren, bōtab rejab aikuj in:

- Lelok jikin an armij ro rej iwōj kwal beir ilo ijo im iturin jikin eo. Ewōr tokjen kein manman kij in bā ioon bā ko rerreo; bijnej ko remaroñ lelok kein manman kij in bā (60-95% arkool

kobban) ñan customer ro. Kein manman kij in bā en jab bōk jikin an rijerbal ro kwal bāer.

Anōk Ri Rej Ekkeitaak:

Ñan joñan eo remaroñ, rikōmadmōd ro an jikin ikkure iloan em im inabōj ren, bōtab rejab aikuj in:

- Kejbarok melele in kebaak ko an armij ro rej iwōj. Ñe ewōr juon keij ej positive kin COVID-19 jen jikin kamōnōnō eo iloan em, ejmourin lobelej maroñ aikuji melele kein ñan aer kōmman etale in anōke aoleben armij rekar kebaak nañinmij eo. Ijellokun oktak aikuj eo, remaroñ kokkure melele kein 60 raan ālikin makūtkūt eo.

Mennin aikuj ko jet

Rikōmadmōd ro an jikin kamōnōnō ko iloan em rej aikuj in:

- Lolorjake ke ijoko ekut an armij kakobaba ie (ekoba ak ejab jemlok wōt ilo melan jikin ikkure, kein ikkure ko iloan em im kein ikkure ko kwōj likūt ajiri iloan) rekilōk wōt.
- Rej aikuj kilōk wōt jikin lale ajiri ko rej bōklok ajiri ro ñani.
- Loor [Melele in Kajinet ñan Imōn Wia ko](#) elañe kwōj kōmadmōde juon imōn wia retail ilo melan ko.

Ñan joñan eo remaroñ, rikōmadmōd ro an jikin ikkure iloan em ren, bōtab rejab aikuj in:

Bar Jet Wewein Kōmadmōde Kiltōn Kōttolok Enbwinnin Doon

- Rōjañ aer karōk ien ko aer maanlok ñe ejab rōjañ an armij kūrlok mokta ñan kamool joñan ijōne ñan joñan armij. Lōmnake juon kein jerbal in talebon ej kōtlōk an armij kōttar iloan wa ko waer im deloñe mweo wōt ñe kwōnaj kall ak jilkinlok text majej ej kwalok ke ebojak jikier.
- Jitōñe juon rikaruwainene ñan bōk eddoin an rilolok deloñ im lale aer kōttolok doon ilo ien aer kōttar ilo lain, wōtar, im ilo ien aer deloñ im diwōj. Jab bineje ial ko ñan jikin diwōj ñe elōñ kijeek.
- Likūti rijerbal ro ñan lale aer loor kakien ko ikijen kōttolok doon.
- Jitōñe rijerbal ñan lale an rilotok deloñe ijoko ekkā an armij bed ie einwōt imōn kōbojak ko bwe rilotok ro ren jab kakobaba ibben doon.
- Kwalok ialen aer ito-itak bwe en juon wōt ial ñan kadiklok an rilotok ro kebaak doon. Kajutak kōjellā ñan kwalok ialen etetal ko ñan kein kalwōjwōj, ñe ekkar.
- Kadiklok joñan wōran rijerbal ro rej lelok jibañ ak leto-letak ibben doulul ko kajojo.
- Rōjañ rilolok ro bwe ren ikkure ibben ro uwaan kapijukunen eo aer im ejab ibben ro jet ejab ekkā aer emmakūtkūt ibbeir.
- Rōjañ bwe rilotok ro ren kejbarok ilo aer ikkure im jolok aer ito-itak ñan ijoko im eabañ kejbarok aer jiljino (6) ne jen armij ro jet rejab uwaan kapijukunen eo aer.

Jikin makūtkūt ko inabōj

- Lōmnak kin am kilōke jikin baak ko ikōtaan doon ñan jibañ aer jab diklok jen jiljino (6) ne ettolok ikōtaan pade ko.

- Rōjañe rilotok ro bwe ren bōktok kijeer make mōñā, aer make nien aebōj im kein aer karreo (ekoba kein manman kij in bā).
- Rōjañe aoleb rilotok ro bwe ren bōklok kwōbej eo aer ibbeir ilo ien aer diwōjlok.

Kein Jibañ ko Jet:

- [Melele in Kajinet an OHA ñan Aoleb Jikin Jerbal im Doulu ko](#)
- [Melele in Kajinet Ibelakin State eo kin Kein Kalbubu Iturin Māj an Jikin Taktō, Kein Kalbubu Iturin Māj, Kein Bōbrae Būlajtik Iturin Māj](#)

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsosha.state.or.us